



Universitätsbibliothek Paderborn

Evropeae Historiae Societatis Iesv Pars ...

Anglia

Bartoli, Daniello

Lvgdvni, 1671

Capvt IV. Patris Thomæ Mettami carcer annorum septemdecim. Opera
fructuosißima. Beata mors. Ioannis item Brushfordij.

urn:nbn:de:hbz:466:1-10773

cassum, & frustra, ni Deus peculiariter adfuisset, suumque illum operiorum septem thesaurum sub terra seruasset. Malleis ferreis suspectos parientes, & solum pulsabant aperiebantque satellites; calcabantque non semel cauernam quæ prædam tegebat, eiisque os aliud quidlibet interpretati, quam quod erat. Semperque in eius latera malleos impegerunt, auscultantes iis in eam impacteris, num quis exitialis bombus responderet. Domini denique in penetralibus, dum supellecilem sigillatum excutiunt si quid forte librorum, sacratum iconum, aut reliquiarum offendenter, incidere in perelegantem Sacerdotis ornatum, & sacram pixidem Deo illis eorum vsum, ita occultante ut absque præda domo excederent, pecuniolæ mercede exigua contenti, quæ scelesto eorum labori minimè debebatur. Paucis inde horis Patres etiam abidere, quo illis Deus suam cuíque sortem mortis, aut hostium, placitum foret destinare.



Patris Thoma Mettami carcer annorum septendecim. Opera fructuosisima. Beata mors. Ioannis item Brushfordij.

C A P V T IV.

CE C I D I T ea fors, ante sex alios in P. Robertum Sothuellum hoc seculi anno nonagesimo secundo, nosque de illo suis locis. Nunc Thomas Mettamus nos sibi vendicat, nec auditus antehac, nec ostensus, et si noster ab annis forte duodecim, semperque in Anglia, sed nunquam, non carcere sabinde hue, & illuc mutato sepultus. Fuit illi postrema Vvisbici custodia, præcedentium atumnosissima, excoctamque hoc anno, tolerantiae ardore illius virtutem, cum corpore viraque absoluit. Venerabantur maiorem in modum, Angli Catholici copiosam viri scientiam, heroicos spiritus, & fidei merita, annorum saltem septendecim parta martyrio, hoc est tam barbari tormento carceris tam diurno, ut producta illic Sacerdotibus Catholicis vita, lendum mori esset non diu viuere.

At vero tam erat Ministris publici exosus, ut eum excluderint à beneficio illius clementiae quam orbi vniuerso in laudem Reginæ celebrarunt cum ante annos septem septuaginta Sacerdotes iussit è neruo dimitti liberos; Mettamum iam illic decennem, nondum eius torquendi saturi tenuerunt. Porro quæ tamdiu, tum egit, tum passus est, illustrum facile, historiæ nobili materiam darent, si legerentur alibi quam in libro diuinatum aternatumque rationem. Vestonus illius per annos aliquot Vvisbici in compede socius, nonnulla obiter de illo adnotauit præterquæ ferè nihil nobis superstet.

Erat

Erat Mettamus præter Philosophi, & Theologi gradum iuridicè partum, Hebræis, Græcis, Latinis, historiis, omnique peregrina, & antiquaria lectione titus, quibus solidioris sapientæ ornatur, & splendescit corpus, sed pluma hæc erant ad illas Apostolici animi supremas, & arduas doctes quæ hominem sui perinde, ut nihil faciunt contemptorem, Dei unus anima, umque æstimatorem iustum, & veracem. His ille ad Sacerdotium impulsus, repulsus in Angliam, in salutem animatum ardenter incitus, captus, carceri mancipatus, mortem quotidie gratia loco opperiens, vixit quotidianus velut ultimum viueret. Londini quadriennium in Turri exegit, hæsus diutius, nisi impar ferendis natura, moueri loco coegeret, malis alioqui proximè opprimendum; mutatur ei turris in aliud carcerem, datürque necessariæ alicuius opis, & victus facultas quæ vitam producens, cruciamenta simul in longum proferret. Quanquam ipse concessam facultatem paulò liberioris laxitatis ad solatium animi potius quam corporis retulit: illo enim priori quadriennio carceris in Turri, propositum ardens suscepit, vel olim susceptum incenderat, vitæ si Deo visum, in Societate exigendæ, sin autem, mortis obeundæ, id arcta defossus cinctusque custodia, significare potuerat nemini, tunc vero haberi laxius, ut cœpit, Patri Thomæ Darbiscit Anglo in paucis amico Parisios scripsit, commendauitque infinitis precibus. Thomas à Mercuriano Præposito Generali, tam præclaris amici narratis dotibus, non ægrè impetratum tulit, extantque literæ Mercuriani ad Mettamum quibus Maij quarto, anno eius æui unde octogesimo, & carceris quinto adscribit illum in Societatem, ex quo item illum ei accenseo, non, ut alij scribunt, quadriennio seriùs, cum Mercurianus sequentis Aprilis die decimo quinto, hortetur illum magnoperè, ut illas sui vexationes, tam multas, atque assidas, in argumentum virtutis traducat, & meriti, reputetque sibi non iam promiscue cum turbis, sed propriis, atque perfectius ex Societatis instituto ferendam esse post Christum crucem.

Post hunc è Turri carcerem Mettamum, subinde alium atque alium multasse Vestonus memorat cum nouis semper ætumnarum accessionibus. Cicuratis enim patientia, mansuetudine, & innocentia, hæreticis suis custodibus, & deliberata barbarie in Sacerdotes Catholicos antea effera-
tis, lictoribus aliis quibus erat ignotus, pœnisque proinde nouis tradeba-
tur, ex qua tamen vir Dei mutatione crebra carceris, & pœnarum, conso-
labatur animum suum non mediocriter quod in illa recenti flagitiorum
colluie semper inueniret quos Christo, & sibi lucratetur, aut quorum lu-
dibriis, odio, & insolentia nouis ipse meritis augeretur. Frequentes de-
mum cum ministellis & Prædicantibus concertationes ex quibus abibant
inseitiae propalatae ignominia suffusi, cum triumphabundi, Mettamum
prouocassent; grande illi nomen, & pauendum conciliabant apud illos,
eamque fortassis ob causam, & concursum multorum, eius consilium in
diuinis, & animi rebus poscentium; censuere Ministri Regij haudquaquam
diutius Londini ferendum, sed Visibicum inter lectos alios relegandum,
scholam nempe dolorum, & patientiæ extremæ. Locum alias descripsi,

Tt

dabo alibi vitæ calamitosæ molestias quam illic degebant Christi Confessores. Illic tres è nostris Collegiolum conflabant, numero minimum; collegarum præstantia, cœfum paucissimis. Erant ij Vvestonus, Mettamus, & Pondus, quibus accessit & aliis; omnes longo multorum annorum probati carcere, & cruciatibus variis, omnes desiderio patiendi recentes, & vegeti; omnes perpetuo aduersorum sapore alactiores postremis perpersionibus quam primis. Etsi autem esset viuendi ratio Vvisbici Sacerdotibus communis, magna laude virtutum insignis in carcere, sed iis nostri addebant disciplinæ obseruationem, quam sinebat, locus, meditationes, examina, oblationes de diuinis, arbitrarias etiam, & vtroneas afflictiones; quas sibi quisque pro viribus corporis, ad molestias carceris adiungebat. Iis immorantem, & iam sexagenario vicinum Deus ad se Mettamum euocauit, non laboriosa ægrotatione, nec cuiquam lethali, nisi quem carcer annorum septemdecim confecisset, cuius diuturnis miseriis defixo semper in Deum animo, & lingua placidissimè obiit, procul eo labore qui vulgo mortem comitatur, præter quietem in domino, nihil sensit: quod autem Vvestonus putauit 1594. fato funatum, eius obitum seriùs consignauit, re autem vera nonagesimo secundo, & Mense Iunio excessit.

Simili exitu tentati miseriis, ut tunc Vvisbici moris erat, complures per annos martyrij, extinctus est Ioannes Brushfordius, anno consequenti. Romæ quondam alumnus Collegij Anglici, & Sacerdos, inde probationis adscriptus tyro, quod plus satis nobis est, ut eum Societati nostræ afflaramus, et si morbo coactus, vitæ genus, & cœlum mutauerit, nam & in Angliam Apostolici munera ardorem secum tulit, & quod vnicè interest constantem spiritum religiosæ pietatis, quo suam nostris iungebat operam, in procuratione animatum, suique propterea, tam incuriū corporis, ut accedente ad solitam illius imbecillitatem custodia, crudaque illic aduersariorum afflictione consumptus sit; annum agens tricesimum quartum. Iuuet autem hic eius obiter mentio, ad elucidandum id in quo forte non pauci cœcutiunt, habuisse nos scilicet in tyrociniis tempus aliquod iuvenes Anglos eximiis dotibus permultos, sed malè composto ad hoc nostrum cœlum temperamento, & valetudine, nec pares viribus ad laborem religiosæ disciplinæ, qui propterea remissi in patrias, sanctimoniaz tamen suæ, & conuersarum à se animatum experimenta illustria præbuere, & multis decori cruciatuum palmis, & ignominiaz, supremam quoque interdum retrulere, morte pro fide fortiter appetita. Verum seu studio demissionis Christianæ, seu grati animi nobilitate contestati, se sua omnia, primigeniis illius spiritus ignibus debere quos hausissent à Societate, quanquam essent tunc ab ea sciunti, ut debent vibrata mobilia imperium, virésque imprimenti.

Nolle